

En pia memoria da:

23.8.85 GR

Rosa Peder-Venzin

La Rosa Peder, ella ei stada ina nata Venzin, ei morta ils tschun d'uost 1985 el spital dalla Crusch a Cuera, ina uriala suenter ch'ei veva giu tuc cau d'avemaria, ella, la femna dallas salidadas.

Rosa Peder ei naschida miez decembre digl onn 1921 a Sedrun sco premagnitura da Tumaisch ed Onna Maria Venzin-Gamboni. Alla feglia veglia da diesch fargliuns ha ei tuccau da se metter en ad uras. E la Rosa ei se prida en pils ses trasatras.

A casa ed egl jester ha ella empriu da far il percasa e da tener a quen enzatgei. Digl emprendissadi casaun a Berna ha ella risdau savens. Lezs onns vess la Rosa empriu bugen da tgirunza, sco per semeglia en ina clinica da psichiatria. Per la glieud, dacentada paupra dil tuttafatg, per lezza ha ella giu in sentiment. Enstagl ha la Rosa fatg la cameriera ed ei ida cul tablet. Senza s'opponer, essend ch'ei fuva scart. – Atgnamein auch giuvnetta eis ella semessa en cul Placi Peder che fageva la posta, igl emprem sin Tschamut e silsuenter a Selva. Bials onns, lezs onns dadens igl uaul, ella che veva entschiet a ver bugen ils vischins e las vischinas. Siu um veva daferton survegni ina pliazza tier la posta a Cuera, nua ch'els ein scochemai semess en da detschiert. Dus buobs, il Silvio ed il Beni, e suren in'atgna casa nova ein stai raschun avunda da ver plascher. – L'escha dalla Rosa e dil Placi ei stada aviarta toccadem; els han giu bia visetas. E la Rosa ei stada ina bu-n'envidadra.

Tocca l'ura ch'ils affons ein stai car schi e la Rosa ha buca giu lartg sut siu tetg. Ils muments ch'ella ha danovamein fastisau la caussa d'antruras, numnadamein la tgira dils pli pau pers da tut. Ella Casa d'uaul a Cuera e tiels affons pauperets da Masans ha la Rosa fatg dil bien, ella cun siu dun aparti da dar bratsch e da rispunder



damondas. Cuntinuadamein pare giada d'emprender, sinaquei ch'ella sappi far amogna. Aschia tut ensemble passa vegg onns sper il tener casa e far bien culs envidai.

Las purtadiras ein dadas ad ella el dies e la Rosa Peder ei perinaga seremessa. Adina denton cun la speranza nundetga ch'il fastedi mondi sperasvi ed ella sappi puspei entscheiver. Ed ella ha giu temps danvonz ed a pèr cun la liunguriala ein ils reps dai a dies. La Rosa Peder ei secuntermessa ed ei stada da buna veglia; ella ha ora ed ora suandau ils cussegls dil miedi ed ha riscau tut, entochen il pli davos.

La sepultura

Cugl augsegner da sia baselgia veva ella giu endamen, senza far zup. Ella hagi ils reps e stoppi murir e vegli sezza disponer las davosas caussas. En siu riug ha sur Giovanni Bargetzi mess ora ils plaids dalla Rosa e l'entira baselgiada da tedlau. E biars ein vegni dalunsch e damaneivel ed han fatg part.

La Rosa Peder-Venzin ei naven e tut quels che han giu da far cun ella ein vegni surura onz pli paupers.

Vic Hendry